



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU STRANKE UDRUŽENIH NEZAVISNIH DEMOKRATA BiH

Broj: 03-07-6-1477/09
Sarajevo, 18.02.2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Stranke udruženih nezavisnih demokrata BiH i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008.godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Stranka nije ispoštovala odredbe člana 8. stav (1) Zakona o finansiranju političkih stranaka jer je primila zabranjeni prilog.**

Na osnovu našeg pregleda, odnosno kontrole finansijskog izvještaja, osim gornjih napomena pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled finansijskih izvještaja Stranke udruženih nezavisnih demokrata BiH i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka udruženih nezavisnih demokrata BiH je iskazala prihode u iznosu od 7.893,00 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	0,00%
2	Prilozi fizičkih lica	3.650,00	46,20%
3	Prilozi pravnih lica	4.050,00	51,30%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	193,00	2,50%
7	Prihodi iz budžeta	0,00	0,00%
	Ukupni prihodi:	7.893,00	100,00%

U godišnjem finansijskom izvještaju Stranka udruženih nezavisnih demokrata BiH je iskazala ukupne rashode u iznosu od 6.553,00 KM.

2. PREDSTAVLJANJE POLITIČKE STRANKE

Naziv političke stranke: Stranka udruženih nezavisnih demokrata Bosne i Hercegovine.

Skraćeni naziv stranke je SUND BiH.

Politička stranka je registrovana 04.03.2008. godine u Općinskom sudu u Tuzli, pod brojem 032-0-Reg-08-000152.

Sjedište političke stranke je u Živinicama, Ul Zlatnih ljiljana br.4.

Za zastupanje stranke ovlaštene je Hamdija Numanović, predsjednik stranke.

Lice ovlašteno za podnošenje finansijskih izvještaja za 2008. godinu je Fahrudin Zenunović.

Prema podacima iz godišnjeg finansijskog izvještaja stranka nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke udruženih nezavisnih demokrata BiH za 2008. godinu i finansijski izvještaj za period od dana podnošenja prijave za ovjeru za izbore do dana ovjere lokalnih izbora, održanih u oktobru 2008.godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Stranka udruženih nezavisnih demokrata BiH u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

Obim pregleda i kontrole finansijskih izvještaja Stranke udruženih nezavisnih demokrata BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica, prihode od poklona i troškove predizborne kampanje.

4. PRETHODNE KONTROLE I REVIZIJE

Kontrola finansijskog izvještaja se obavlja prvi put.

5. NALAZI I PREPORUKE

5.1. NALAZI

Stranka udruženih nezavisnih demokrata BiH je prekršila odredbu člana 8 stav (1) Zakona o finansiranju političkih stranaka.¹

Na osnovu obavljene kontrole godišnjeg finansijskog izvještaja Stranke udruženih nezavisnih demokrata BiH, utvrđeno je da je stranka primila zabranjeni prilog, na način što je koristila poslovni prostor u vlasništvu Općine Živinice bez naknade².

Troškovi predizborne kampanje

Stranka udruženih nezavisnih demokrata BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 3.872,67 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju

¹ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po samoj svojoj djelatnosti isključivo neprofitna, vjerske zajednice, kao i privredna udruženja u kojima su uloženi javni kapital iznosi najmanje 25% ne mogu da finansiraju političke partije.

² Saglasnost Općine Živinice Br.01/2-05-89-1111/06 od 03.10.2006.g da se ustupa poslovni prostor bez naknade, kao i Izjava predsjednika SUND od 27.07.2009.g

³ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne

birača koje je objavila Centralna izborna komisija BiH. Prema podacima Centralne izborne komisije – Stranka udruženih nezavisnih demokrata BiH mogla je potrošiti 17.202,00 KM..

5.2. PREPORUKE

Preporučuje se Stranci udruženih nezavisnih demokrata BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

Da postupa u skladu sa odredbom člana 8. stav (1). Zakona o finansiranju političkih stranaka, odnosno da ne prima zabranjene priloge.

KOMENTAR

Stranka udruženih nezavisnih demokrata BiH se u ostavljenom roku aktom od 24.12.2009. godine očitovala te u istom dala primjedbe na nalaze revizije u smislu člana 8. stav (1) Zakona o finansiranju političkih stranaka. Služba za reviziju je na osnovu akta broj 02-05-2324 od 30.03.2009. godine koji je dostavila Općina Živinice konstatovala da primjedbe koje se odnose na prekršaj člana 8. stav (1) nisu argumentovane relevantnim dokazima. Naime, u dostavljenom aktu Općina Živinice navodi da stranka koristi prostorije bez plaćanja naknade a u skladu sa Odlukom Općinskog vijeća od 2007. godine.

S obzirom na to da nisu dostavljeni dokazi koji bi uticali na nalaze i mišljenje dato u Preliminarnom izvještaju o pregledu godišnjeg finansijskog izvještaja za 2008. godinu, nalazi i mišljenje koji se odnose na član 8. stav (1) ostaju nepromjenjeni.

Mr.Hasida Gušić, šef Službe za reviziju

Nevenko Andan, revizor

Anela Burdžović –Kapić, pomoćnik revizora